

VEGIA RÛSCIA

Testo e Musica di **Francesca Traverso Tardy**

PARTE 1

'nte l'aia zà scûa
ritornan i Dragoin
'ta faccia l'arsûa
'nto chêu a delûxion...
pan ommi senza etæ
"débacle" senza pietæ
Davanti ao squadron
coi êuggi inveddræ
gh'é Napoliòn
non ciù o ræ dei ræ
O passo o fadiga
'nta neve giassà
dâ steppa nemiga
che a i vêu annientà
" Allez, mes compagnons!...
il y a encore Napoléon! "

PARTE 2

'nta neve ciù fitta
amïan mäveggæ
o scorno...a sconfitta
di Franseixi armæ...
son ommi d'ogni etæ
e cantan " libertæ! "
Katiusha e Ivàn
van incontro ao squadron
con gianchi lillà
pe Napoliòn...
'nte l'aia dui colpi
'nta neve giassà
ghe restan dui corpi
di rosci lillà
Dui lampi rosci in çê
un crio straziòu: " Perché?.. "

PARTE 3

Forse mi me son affacciòu
con un tûffo in to passòu...
...e, Realtæ de tûtti i tempi,
a pagà son i innocenti!
O mæ sêunno o l'é finio
ma 'n te l'aia ancon gh'é un crio
e me resta drento ai êuggi
neive rossa e gianchi schêuggi...
drento o mà o se ghe franze
con unn-a raggia triste... e a cianze
un'antiga balalaika
con a sò voxe aspia e arcaica...
vêge notte...notte vêge
gian... rigian dentro ae mæ oëgie
con o crio d' ivàn e Katiusha
con o crio da vegia Rûscia
Lailailailailalalalala
Lailailailailalalalala

.....

Vegia Rûscia